

sans verba in qualibet incensatione, hoc modo: In prima incensatione: Incensum istud; in secunda, à te benedic-tum; in tertia, ascendat ad te, Domine; in quarta, et descendat super nos; in quinta et sexta, misericordia tua. Deinde facta reverentia, incensat crucem et altare, ut dictum est suprà, assistente eodem diacono, interim dicens:

Dirigatur oratio mea, sicut incensum in conspectu tuo: elevatio manuum mearum sacrificium vespertinum. Pone, Domine, custodiam ori meo, et ostium circumstantiae labilis meis: ut non declinet cor meum in verba malitiae, ad excusandas excusationes in peccatis.

Et cùm incensatur crux, diaconus amovet calicem ad partem Epistolae, et incensatà cruce, reponit in loco suo. Cùm reddit thuribulum diacono dicit:

Accendat in nobis Dominus ignem sui amoris, et flammam aeternae caritatis. Amen.

Et incensatur ab eo. Deinde diaconus incensat chorum, et postremò subdiaconum tenentem patenam, et ipse diaconus incensatur à thuriferario, et thuriferarius postea incensatus acolythos et populum. Celebrans, postquam incensatus fuerit, lavat manus, ministrantibus acolythis ampullam aquae cum pelvicia et manutergio.

11.—*Cùm dicitur Praefatio, diaconus et subdiaconus stant retrò post celebrantem; et paulò ante quam dicitur Sanctus, accedunt ad altare; ubi cum celebrante hinc inde dicunt Sanctus, et quae sequuntur usque ad Canonem. Deinde diaconus accedit ad sinistram celebrantis ei assistens dum dicitur Canon, nisi aliis sacerdos assistat, quia tunc ipse startet ad dexteram aliquantulum post celebrantem, subdiaconus verò tum stat post celebrantem.*

VIII. DE CANONE MISSAE USQUE AD CONSECRATIONEM.

1.—*Finita Praefatione, ut suprà, sacerdos stans ante medium altaris, versus ad illud, extendens et aliquantulum elevans manus, oculisque elevatis ad Deum, et sine mora devote demissis, ac manibus iunctis, et super altare*

positis, profundè inclinatus, incipit Canonem, secreto dicens:

Te igitur, clementissime Pater, per Iesum Christum, Filium tuum, Dominum nostrum, supplices rogamus ac petimus, cùm dicit, uti accepta habeas, et benedicas, prius osculatur altare in medio, deinde erigit se, et stat iunctis manibus ante pectus: cùm dicit, haec ~~Adona~~, haec ~~X~~ munera, haec sancta ~~X~~ sacrificia illibata, dextrâ manu signat ter communiter super hostiam et calicem. Deinde, extensis manibus ante pectus, prosequitur: In primis quae tibi offerimus pro Ecclesia tua sancta Catholica, quam pacificare, custodire, adunare et regere digneris, toto orbe terrarum, unà cum famulo tuo Papa nostro N. et Antistite nostro N. et Rege nostro N. et omnibus orthodoxis, atque catholicae et apostolicae fidei cultoribus.

2.—*Ubi dicit, unà cum famulo tuo Papa nostro N., ex-primit nomen Papae: sede autem vacante, verba praedicta omittuntur. Ubi dicitur, et Antistite nostro N., specificatur nomen patriarchae, archiepiscopi, vel episcopi ordinarii in propria dioecesi, et non alterius superioris, etiamsi celebrans sit omnino exemptus, vel sub alterius episcopi iurisdictione. Si verò episcopus ordinarius illius loci in quo missa celebratur, sit vitâ functus, praedicta verba omittuntur: quae etiam omittuntur ab iis qui Romae celebrant. Si celebrans est episcopus, archiepiscopus, vel patriarcha, omissione praedictis verbis, eorum loco dicit. Et me indigno servo tuo. Summus autem Pontifex, cùm celebrat, omissione verbis, unà cum famulo tuo Papa nostro N. et Antistite nostro N. dicit, unà cum me indigno famulo tuo, quem gregi tuo praeesse voluisti, et continuant omnes, ut sequitur, et omnibus orthodoxis, etc.*

3.—*Cum dicit Memento, Domine, famulorum famularumque tuarum N. et N., elevans et iungens manus usque ad faciem vel pectus, sic iunctis manibus, stat paupisper in quiete, demisso aliquantulum capite, faciens commemorationem vivorum Christi fidelium, ad suam*

voluntatem; quorum nomina, si vult, secretò commemo-ret: non tamen necesse est ea exprimere, sed mente tan-tùm eorum memoriam habeat. Potest etiam celebrans, si pro pluribus orare intendit, ne circumstantibus sit moro-sus, ante missam in animo proponere sibi omnes illos, tam vivos quam defunctos, pro quibus in ipsa missa ora-re intendit, et hoc loco generaliter unico contextu ipsorum vivorum commemorationem agere, pro quibus ante mis-sam orare proposuit in missa.

4.-Commemoratione vivorum facta, demissis et exten-sis, ut prius, manibus, continuat. Et omnium circum-stantium, quorum tibi fides cognita est, et nota devoutio, pro quibus tibi offerimus, vel qui tibi offerunt hoc sa-crificium laudis, pro se, suisque omnibus, pro redemp-tione animarum suarum, pro spe salutis et incolumi-tatis sua: tibique reddunt vota sua aeterno Deo, vivo et vero.

Similiter stans, prosecutur:

Communicantes et memoriam venerantes, in primis gloriose semper Virginis Mariae, genitricis Dei et Do-minii nostri Iesu Christi, *caput cruci inclinat*; sed et beatorum Apostolorum, ac Martyrum tuorum, Petri et Pauli, Andreeae, Iacobi, Ioannis, Thomae, Iacobi, Philip-pi, Bartholomaei, Matthaei, Simonis et Thaddaei, Lini, Cleti, Clementis, Xysti, Cornelii, Cypriani, Laurentii, Chrysogoni, Ioannis et Pauli, Cosmae et Damiani, et omnium Sanctorum tuorum: quorum meritis precibus que concedas, ut in omnibus protectionis tuae muniamur auxilio. *Iungit manus.* Per eundem Christum Do-minum nostrum. Amen.

Expandit manus simul super oblata, ita ut palmae sint apertae versus ac supra calicem et hostiam, quas sic te-nens expansas, dicit:

Hanc igitur oblationem servitutis nostraræ, sed et cun-cta familiae tuae, quæsumus Domine, ut placatus ac-cipias, diesque nostros in tua pace disponas, atque ab aeterna damnatione nos eripi, et in electorum tuorum

iubeas grege numerari. *Iungit manus.* Per Christum Do-minum nostrum. Amen.

Iunctis manibus, sic prosecutur:

Quam oblationem tu, Deus, in omnibus, quæsumus, communiter signat super hostiam et calicem, simul dicens: bene~~dictum~~, adscri~~ptum~~, ratio-nabilem acceptabilemque facere digneris: separatim signat semel super hostiam tantum, cum dicit: ut nobis cor~~pus~~: et semel super calicem tantum, cum dicit: et san~~cti~~guis: deinde, elevans et iungens manus ante pectus, prosecutur: fiat dilectissimi Filii tui Domini nos-tri Iesucristi, et inclinans caput cruci, extergit, si opus fuerit, pollices et indices super corporale, et dicit secre-tò, ut prius:

Qui pridie quam pateretur; et accipiens pollice et in-dice dextræ manus hostiam, et eam cum illis ac indice et pollice sinistram manus tenens, stans erectus ante me-dium altaris, dicit, accepit panem in sanctas ac vene-rabiles manus suas, elevansque ad coelum oculos, et sta-tim demittens, dicit: et elevatis oculis in coelum, ad te Deum Patrem suum omnipotentem, caputque aliquan-tulum inclinans, dicit, tibi gratias agens: et tenens hos-tiam inter pollicem et indicem sinistram manus, dextrâ producit signum crucis super eam, dicens, bene~~dictum~~, fre-git, deditque discipulis suis, dicens: Accipite et man-ducite ex hoc omnes.

5.-Si adsit vas cum aliis hostiis consecrandis, ante-quam accipiat hostiam, discooperit manu dextrâ calicem seu vas aliarum hostiarum. Cum autem finierit supradic-ta verba, cubitis super altare positis, stans capite incli-nato, distinctè, attentè, reverenter et secretò profert verba consecrationis super hostiam, et simul super omnes si plures sint consecrandæ, et hostiam suam pollicibus et in-dicibus tantum tenens, dicit:

Hoc est enim corpus meum.

Quibus prolatis, celebrans tenens hostiam inter pollices

et indices praedictos super altare, reliquis manuum dgitis extensis et simul iunctis (et hostiis, si plures sint consecratae, in loco in quo à principio missae positae sunt, super corporale; vel in alio vase aut calice dimissis), genuflexus eam adorat. Tunc se erigens, quantum commode potest, elevat in altum hostiam, et intentis in eam oculis (quod et in elevatione calicis facit), populo reverenter ostendit adorandam: et mox solā manu dextrā ipsam reverenter reponit super corporale in eodem loco unde eam levavit, et deinceps pollices et indices non disiungit, nisi quando hostiam consecratam tangere vel tractare debet, usque ad ablutionem digitorum post communionem.

6.- *Reposito hostiā consecratā super corporale, genuflexus ipsam veneratur; si adsit vas aliarum hostiarum, patenā vel pallā cooperit ut suprad. Interim dum celebrans elevat hostiam, accenso prius intortilio (quod non extinguitur nisi postquam sacerdos sanguinem sumperit, vel alios communicaverit, si qui erunt communicandi in missa), minister manu sinistrā elevat fimbrias posteriores planetae, ne ipsum celebrantem impedit in elevatione brachiorum; quod et facit in elevatione calicis: et manu dextrā pulsat campanulam ter ad unamquamque elevationem, vel continuatē quousque sacerdos deponat hostiam super corporale, et similiter postmodum ad elevationem calicis.*

7.- *Celebrans, adorato Sacramento, surgit, et discopert calicem, in quem, si opus sit, extergit digitos: quod semper faciat, si aliquod fragmentum digitis adhaereat; et stans erectus dicit:*

Simili modo postquam coenatum est, et ambabus manibus accipiens calicem iuxta nodum infra cuppam, et aliquantum illum elevans, ac statim deponens, dicit: accipiens et hunc praeclarum calicem in sanctas ac venerabiles manus suas: caput inclinans, dicit: item tibi gratias agens, sinistra calicem infra cuppam tenens, dextrā signat super eum, dicens: bene~~X~~dixit, et prosequens: deditque discipulis suis, dicens: Accipite et bibite ex eo omnes.

Et ambabus manibus tenens calicem parum elevatum, videlicet sinistrā pedem, dextrā nodum infra cuppam, cubitis super altare positis, et capite inclinato, profert attentè, continuatē et secretō, ut suprà, verba consecrationis sanguinis.

Hic est enim calix sanguinis mei, novi et aeterni Testamenti; mysterium fidei: qui pro vobis et pro multis effundetur in remissionem peccatorum.

Quibus dictis, reponit calicem super corporale; et dicens secretō, Haec quotiescumque feceritis, in meī memoriam facietis; genuflexus, sanguinem reverenter adorat. Tunc se erigit, et accipiens calicem discopertum cum sanguine, ambabus manibus, ut prius, elevat eum, et erectum, quantum commode potest, ostendit populo adorandum: mox ipsum reverenter reponit super corporale in locum pristinum, et manu dexterā pallā cooperit, ac genuflexus Sacramentum veneratur.

8.- *In missa solemni ad finem Praefationis accenduntur duo saltem intorticia ab acolythis, quae extinguntur post elevationem calicis, nisi aliqui sint communicandi, et tunc extinguntur post Communionem. In diebus etiam ieuniorum, et in missis pro Defunctis, tenentur accensa usque ad Communionem. Cum autem celebrans dicit, Quam oblationem, etc., diaconus accedit ad eius dexteram, et ibi in superiori gradu altaris genuflexus, cūm Sacramentum elevatur, fimbrias planetae elevat, et quando opus est, sē erigens, calicem discoperit, et cooperit, et cum celebrante genuflectit. Subdiaconus genuflectit in loco suo. Thuriferarius genuflexus in cornu Epistolae ter incensat hostiam, cūm elevatur, et similiter calicem, posito incenso in thuribulum absque benedictione. Reposito calice, diaconus reddit ad librum, nisi aliis assistat. Ceteri surgunt, et stant in locis suis.*

IX. DE CANONE POST CONSECRATIONEM USQUE AD ORATIONEM DOMINICAM.

1.- *Reposito calice, et adorato, sacerdos stans ante altare, extensis manibus ante pectus, dicit secretō:*

Unde et memores, Domine, nos servi tui, sed et plebs tua sancta, eiusdem Christi Filii tui Domini nostri tam beatae passionis, necnon et ab inferis resurrectionis; sed et in coelos gloriosae ascensionis; offerimus praeclarae maiestati tuae, cum dicit, de tuis donis ac datis, iungit manus ante pectus; et manu sinistrâ positâ super altare intra corporale, dexterâ signat ter communiter super hostiam et calicem, dicens: hostiam puram, hostiam sanctam, hostiam immaculatam, et semel super hostiam tantum et semel super calicem tantum dicens: panem sanctum vitae aeternae, et calicem salutis perpetuae.

Deinde stans, ut prius, extensis manibus, prosecutur:

Supra quae propitio ac sereno vultu respicere dignaris; et accepta habere, sicuti accepta habere dignatus es munera pueri tui iusti Abel, et sacrificium patriarchae nostri Abrahae, et quod tibi obtulit summus sacerdos Melchisedech, sanctum sacrificium, immaculatam hostiam.

Profundè inclinatus ante medium altaris, iunctis manibus, et super altare positis, dicit:

Supplices te rogamus, omnipotens Deus: iube haec perferri per manus sancti Angeli tui in sublime altare tuum, in conspectu divinae maiestatis tuae: ut quotquot, osculatur altare, manibus hinc inde super corporale positis, dicens: ex hac altaris participatione; iungit manus, dicens: sacrosanctum Filii tui; et dexterâ signans semel super hostiam tantum, et semel super calicem, sinistrâ super corporale positâ, dicit: cor⁺pus et san⁺guinem sumpserimus: et cum dicit, omni benedictione⁺colesti, seipsum signat à fronte ad pectus signo crucis, sinistrâ positâ infra pectus, et prosecutur, et gratia replemamur; iungit manus, cum dicit: Per eumdem Christum Dominum nostrum. Amen.

2.-Cum dicit: Memento etiam, Domine, famularum famularumque tuarum N. N., qui nos praecesserunt cum signo fidei, et dormiunt in somno pacis,

Extensis et iunctis manibus ante pectus, et usque ad faciem elevatis, et intentis oculis ad Sacramentum super altare, facit commemorationem fidelium defunctorum, de quibus sibi videtur, eodem modo ut dictum est de commemoratione vivorum. Quà commemoratione facta, stans ut prius, extensis manibus, prosecutur:

Ipsis, Domine, et omnibus in Christo quiescentibus, locum refrigerii, lucis et pacis, ut indulgeas, depreca-
mur; iungit manus, et caput inclinans, dicit: Per eum-
dem Christum Dominum nostrum. Amen.

*3.-Manu sinistrâ super corporale positâ, dextrâ per-
cutit sibi pectus, clarâ parum voce dicens:*

Nobis quoquè peccatoribus, et prosecutur secretò, stans manibus extensis ut prius: famulis tuis de multi-
tudine miserationum tuarum sperantibus, partem ali-
quam et societatem donare digneris, cum tuis sanetis Apostolis et Martyribus: cum Ioanne, Stephano, Matthia, Barnaba, Ignatio, Alexandro, Marcellino, Petro, Felicite, Perpetua, Agatha, Lucia, Agneta, Caecilia, Anastasia, et omnibus Sanctis tuis: intra quorum nos consortium, non aestimator meriti, sed veniae, quaesumus, largitor admitte. Iungit manus ante pectus, cum dicit: Per Christum Dominum nostrum.

Per quem haec omnia, Domine, semper bona creas,
deinde manu dextrâ ter signans super hostiam et calicem
simul, dicit: sancti⁺ficas, vivi⁺ficas, bene⁺dicis, et
praestas nobis.

Postea discoperit manu dextrâ calicem, et genuflexus Sacramentum adorat; tum se erigit, et reverenter accipit hostiam inter pollicem et indicem dextrae manus, et cum ea super calicem, quem manu sinistrâ tenet circa nodum infra cuppam, signat ter à labio ad labium, dicens: Per⁺ ipsum, et cum⁺ ipso, et in⁺ ipso. Et similiter cum hostia simul signat bis inter calicem et pectus, incipiens à labio calicis, et dicit: est tibi Deo Patri⁺omnipotenti, in unitate Spiritus⁺Sancti: deinde, tenens manu dextrâ hostiam super calicem, sinistrâ calicem, elevat eum ali-

quantulum simul cum hostia, dicens: omnis honor et gloria, et statim utrumque deponens, hostiam collocat super corporale, et si opus sit, digitos extergit, ut supra; ac pollices et indices ut prius iungens, calicem pallid cooperit, et genuflexus Sacramentum adorat.

4.-In missa solemní cùm celebrans dicit, Per quem haec omnia, etc., diaconus, facta Sacramento genuflexione, accedit ad dexteram celebrantis, et quando opus est, discooperit calicem, et cum celebrante adorat: similiter cooperit, et iterum genuflectit. Cùm incipit, Pater noster, idem vadit retro post celebrantem, facta prius Sacramento genuflexione, ubi stat dum dicitur Oratio Dominica.

X. DE ORATIONE DOMINICA ET ALIIS USQUE AD FACTAM COMMUNIONEM.

1.-Celebrans, cooperito calice, adoratoque Sacramento, erigit se; et manibus extensis hinc inde super altare intra corporale positis, dicit intelligibili voce:

Per omnia saecula saeculorum. **r. Amen.** Iungit manus, caput Sacramento inclinans, cùm dicit: Oremus. Tum iunctis manibus prosequitur: Praeceptis salutariibus moniti, et divinà institutione formati, audemus dicere:

2.-Cùm incipit Pater noster, extendit manus, et stans, oculis ad Sacramento intentis, prosequitur usque ad finem.

Pater noster, qui es in coelis: sanctificetur nomen tuum: adveniat regnum tuum: fiat voluntas tua, sicut in coelo et in terra. Panem nostrum quotidianum da nobis hodie: et dimittit nobis debita nostra, sicut et nos dimittimus debitoribus nostris: Et ne nos inducas in tentationem. Responso à ministro, Sed libera nos à malo, et à celebrante submissa voce, Amen, manu dextrâ, pollice et indice non disiunctis, patenam aliquantulum purificatorio extergens, eam accipit inter indicem et medium digitos, quam tenens super altare erectam, sinistrâ super corporali posita, dicit secretò:

Liber nos, quae sumus, Domine, ab omnibus malis praeteritis, praesentibus et futuris: et intercedente beatâ et gloriosâ semper Virgine Dei genitrici Mariâ, cum beatis apostolis tuis Petro et Paulo, atque Andrea, et omnibus Sanctis. *Antequam celebrans dicat, da propitius pacem, elevat manu dextrâ patenam de altari, et seipsum cum ea signat signo crucis, à fronte ad pectus, dicens: da propitius pacem in diebus nostris; cùm signat se, manum sinistram ponit infra pectus: deinde patenam ipsam osculatur, et prosequens, ut ope misericordiae tuae adiuti, et à peccato simus semper liberi, et ab omni perturbatione securi, submittit patenam hostiae, quam indice sinistro accommodat super patenam, discooperit calicem; et genuflexus Sacramentum adorat: tum, se erigens, accipit hostiam inter pollicem et indicem dextræ manus, et cum illis ac pollice et indice sinistriæ manus, eam super calicem tenens, reverenter frangit per medium dicens: Per eundem Dominum nostrum Iesum Christum Filium tuum; et medium partem, quam inter pollicem et indicem dextræ manus tenet, ponit super patenam: de alia media, quam sinistrâ manu tenet, frangit cum pollice et indice dextræ manus particulam, prosequens, qui tecum vivit et regnat, et eam inter ipsos dextræ manus pollicem et indicem retinet, partem maiorem, quam sinistrâ tenet, adiungit mediae super patenam positae, interim dicens: in unitate Spiritus Sancti Deus: et particulam hostiae quam in dextra manu retinuit, tenens super calicem, quem sinistrâ per nodum infra cuppam retinet, intelligibili voce dicit:*

Per omnia saecula saeculorum. **r. Amen.**

Et cum ipsa particula signans ter à labio ad labium calicis dicit:

Pax **Domini sit** **semper vobis** **cum**.

Responso per ministrum, Et cum spiritu tuo, particulam, quam manu dextrâ tenet, immittit in calicem, dicens secretò:

Haec commixtio et consecratio corporis et sanguinis Domini nostri Iesu Christi, fiat accipientibus nobis in vitam aeternam. Amen.

Deinde, pollices et indices super calicem aliquantulum tergit, et iungit; calicem pallâ cooperit, et genuflexus Sacramentum adorat: surgit, et stans iunctis manibus ante pectus, capite inclinato versus Sacramentum, dicit intelligibili voce:

Agnus Dei, qui tollis peccata mundi; et dextrâ percutiens sibi pectus, sinistrâ super corporale posita, dicit, miserere nobis. Et deinde non iungit manus.

Agnus Dei, qui tollis peccata mundi; iterum percutit sibi pectus, cùm dicit secundò, miserere nobis.

Agnus Dei, qui tollis peccata mundi; tertio percutit sibi pectus, cùm dicit, dona nobis pacem.

In missis pro Defunctis, non dicitur, miserere nobis, sed eius loco, dona eis requiem, et in tertio additur, semperiternam.

3.-Tum manibus iunctis super altare positis, oculisque ad Sacramentum intentis, inclinatus dicit secretò sequentes orationes :

Domine Iesu Christe, qui dixisti Apostolis tuis: *Pacem relinquo vobis, pacem meam do vobis: ne respicias peccata mea, sed fidem Ecclesiae tuae; eamque secundum voluntatem tuam pacificare et coadunare digneris. Qui vivis et regnas, Deus, per omnia saecula saeculorum. Amen.*

Quâ oratione finita, si est daturus pacem, osculatur altare in medio, et instrumentum pacis ei porrectum à ministro iuxta ipsum ad dexteram, hoc est, in cornu Epistolae genuflexo, et dicit, Pax tecum. Minister respondebit, Et cum spiritu tuo. Si non adsit qui huiusmodi instrumento pacem recipiat à celebrante, pax non datur etiam si illius datio missae conveniat, nec osculatur altare; sed dictâ praemissa oratione, statim subiungit alias orationes, ut infra.

4.-Si verò celebret pro defunctis, non percutit pectus ad Agnus Dei, quia dicit: Dona eis requiem; nec dicit precedentem orationem, et non dat pacem, sed dicit alias duas sequentes orationes:

Domine, Iesu Christe, Fili Dei vivi, qui ex voluntate Patris, cooperante Spiritu Sancto, per mortem tuam mundum vivificasti: libera me, per hoc sacrosanctum corpus et sanguinem tuum ab omnibus iniquitatibus meis, et universis malis; et fac me tuis semper inhaerere mandatis, et à te nunquam separari permittas. Qui cum eodem Deo Patre et Spiritu Sancto vivis et regnas Deus in saecula saeculorum. Amen.

Perceptionis corporis tui, Domine Iesu Christe, quod ego indignus sumere praesumo, non mihi proveniat in iudicium et condemnationem: sed pro tua pietate pro sis mihi ad tutamentum mentis et corporis, et ad medelam percipiendam, Qui vivis et regnas cum Deo Patre in unitate Spiritus Sancti Deus, per omnia saecula saeculorum. Amen.

Quibus orationibus dictis, genuflectens Sacramentum adorat, et se erigens dicit secretò:

Panem coelestem accipiam, et nomen Domini invoco.

Quo dicto, dextrâ manu accipit de patena reverenter ambas partes hostiae, et collocat inter pollicem et indicem sinistram manum, quibus patenam inter eumdem indicem et medium digitos supponit, et edem manu sinistrâ tenens partes huiusmodi supra patenam inter pectus et calcem, parum inclinatus, dextrâ tribus vicibus percutit pectus suum, interim etiam tribus vicibus dicens voce aliquantulum elevata, devotè et humiliiter :

Domine, non sum dignus, et secretò prosequitur, ut intres sub tectum meum, sed tantum dic verbo, et sicutabit anima mea.

Quibus tertio dictis, ex sinistra accipit ambas partes praedictas hostiae inter pollicem et indicem dextrae ma-

180

ORDO ET RITUS

nás, et cum illa super patenam signat seipsum signo crucis, ita tamen ut hostia non egrediatur limites patenae, dicens:

Corpus Domini nostri Iesu Christi custodiat animam meam in vitam aeternam. Amen.

Et se inclinans, cubitis super altare positis, reverenter easdem ambas partes sumit; quibus sumptis, deponit patenam super corporale, et erigens se, iunctis indicibus et pollicibus, ambas quoque manus ante faciem iungit, et aliquantulum quiescit in meditatione sanctissimi Sacramenti. Deinde, depositis manibus, dicit secretum:

Quid retribuam Domino pro omnibus quae retribuit mihi? Et interim discoperit calicem, genuflectit, surgit, accipit patenam, inspicit corporale, colligit fragmenta cum patena, si quae sint in eo, patenam quoque diligenter cum pollice et indice dextræ manus super calicem extergit, et ipsos digitos, ne quid fragmentorum in eis remaneat.

5.-Si vero adsint hostiae consecratae super corporale positae pro alio tempore conservandae, factâ prius genuflexione, reponit eas in vas ad hoc ordinatum, et diligenter advertit ne aliquod fragmentum, quantumcumque minimum, remaneat super corporale; quod si fuerit, accuratè reponit in calicem.

Post extensionem patenae, iunctis pollicibus et indicibus, calicem dextrâ manu infra nodum cuppae accipit, sinistrâ patenam, dicens:

Calicem salutaris accipiam, et nomen Domini invocabo. Laudans invokebo Dominum, et ab inimicis meis salvus ero.

Et signans se signo crucis cum calice, dicit:

Sanguis Domini nostri Iesu Christi custodiat animam meam in vitam aeternam. Amen.

Et manu sinistrâ supponens patenam calici, stans reverenter sumit totum sanguinem cum particula in calice

posita. Quibus sumptis, si qui sunt communicandi, eos communicet, antequam se purifiet. Postea dicit secretum:

Quod ore sumpsimus, Domine, purâ mente capiamus; et de munere temporali fiat nobis remedium sempiternum.

Interim super altare porrigit calicem ministro in cornu Epistolæ, qui infundit in eum parum vini, quo se purificat: deinde vino et aquâ abluit pollices et indices super calicem, quos abstergit purificatorio, interim dicens:

Corpus tuum, Domine, quod sumpsi, et sanguis, quem potavi, adhaerent visceribus meis; et praesta ut in me non remaneat scelerum macula, quem pura et sancta resecerunt Sacra menta. Qui vivis et regnas in saecula saeculorum. Amen.

*Ablationem sumit, et exterget os et calicem purificatio-
rio: quo facto, purificatorium extendit super calicem et
desuper patenam, ac super patenam, parvam pallam, et
plicato corporali, quod reponit in bursam, cooperit cali-
cem velo, et bursam desuper ponit, et collocat in medio al-
taris, ut in principio missae, deinde prosequitur missam.*

*6.-Si qui sunt communicandi in missa, sacerdos, post sumptionem sanguinis, antequam se purifiet, factâ genuflexione, ponat particulas consecratas in pyxide, vel si pauci sint communicandi, super patenam, nisi à princi-
pio positae fuerint in pyxide, seu alio calice. Interim mi-
nister ante eos extendit linteum, seu velum album, et pro
eis facit confessionem, dicens: Confiteor Deo, etc. Tum
sacerdos iterum genuflectit, et manibus iunctis, vertens
se ad populum in cornu Evangelii dicit: Misereatur ves-
tri omnipotens Deus; et, dimissis peccatis vestris, per-
ducat vos ad vitam aeternam. R. Amen.*

*Et manu dextrâ facit signum crucis super eos, dicens:
Indulgentiam, absolutionem et remissionem peccato-
rum vestrorum tribuat vobis omnipotens et misericors
Dominus. R. Amen.*

*Postea genuflectens accipit manu sinistrâ pyxidem seu
patenam cum Sacramento, dextrâ vero sumit unam par-*

ticulam, quam inter pollicem et indicem tenet aliquantum elevatam super pyxidem seu patenam, et conversus ad communicandos in medio altaris, dicit: Ecce Agnus Dei, ecce qui tollit peccata mundi. Deinde dicit: Domine, non sum dignus ut intres sub tectum meum; sed tantum dic verbo, et sanabitur anima mea. Quibus verbis tertio repetitis, accedit ad eorum dextram, hoc est, ad latus Epistolae, et unicuique porrigit Sacramentum, faciens cum eo signum crucis super pyxidem vel patenam, et simul dicens: Corpus Domini nostri Iesu Christi custodiat animam tuam in vitam aeternam. Amen.

Omnibus communicatis, revertitur ad altare, nihil dicens; et non dat eis benedictionem, quia illam daturus est in fine missae. Si particula posita erat super corporale, extergit illud cum patena, et si quae in eo fuerint fragmenta, in calicem immittit. Deinde dicit secretum: Quod ore sumpsimus, Domine, etc. Et se purificat, dicens: Corpus tuum, Domine, quod sumpsi; et alia facit ut supra. Minister autem dextrâ manu tenens vas cum vino, et aqua, sinistrâ verò mappulam, aliquanto post sacerdotem eis porrigit purificationem, et mappulam ad os abstergendum.

7.-Si in altari remaneant particulae in calice, seu in alio vase usque ad finem missae, serventur ea quae in feria quinta Coenae Domini praescribuntur circa finem missae.

8.-In missa solemnii diaconus, stans retrò post celebrantem, cum in Oratione Dominica dicitur, Et dimitte nobis debita nostra, facta ibidem genuflexione vadit ad dexteram celebrantis, et subdiaconus circa finem orationis dominicae, facta ibidem genuflexione revertitur ad altare, et stans in cornu Epistolae porrigit patenam diacono qui eam discoperit, et purificatorio abstergens dat celebranti, illius manum osculando, et quando opus est, discoperit et cooperit calicem, et cum celebrante adorat. Subdiaconus redditâ patenâ, et deposito velo, quod ab humeris eius pendebat, genuflectit, et descendit retrò post celebrantem, et cum dicitur: Pax Domini, iterum genuflectens accedit ad sinistram celebrantis, et simul dicunt,

Agnus Dei. Deinde facta ibidem Sacramento genuflexione, redit post celebrantem. Diaconus verò, à dextris genuflexus, expectat pacem; et cùm celebrans osculatur altare, ipse se erigens simul osculatur illud extra corporale, et à celebrante dicente: Pax tecum, complexus accipit pacem sinistris genis sibi invicem appropinquantibus, et ei respondet, Et cum spiritu tuo. Postea iterum Sacramento in altari adorato, vertit se ad subdiaconum retrò post celebrantem, et similiter dat ei pacem. Subdiaconus accepta pace à diacono, et facta altari genuflexione, cotitatus ab acolytho vadit ad chorum, et dat pacem primo cuiusque ordinis; dignioribus prius, deinde minus dignis, et reversus ad altare, facta genuflexione, dat pacem acolytho, qui ipsum comitaverat, qui et alius acolythis circa altare dat pacem: deinde subdiaconus vadit ad dexteram celebrantis, et quando opus est, discooperit calicem, accipit ampullam vini, et infundit, quando celebrans vult purificare. Diaconus post datam pacem subdiacono vadit ad librum: et dum celebrans se communicat, stant ipse et subdiaconus profundè inclinati versus altare.

9.-In missa pontificali assistens accipit et defert pacem, ut in Caeremoniali habetur. Si in missa solemnii fiat communio, omnia serventur ut supra, sed prius communicet diaconum, et subdiaconum, deinde alios per ordinem, et diaconus purificationem ei ministret. Interim à choro cantetur antiphona, quae dicitur Communio.

XI. DE COMMUNIONE ET ORATIONIBUS POST COMMUNIONEM DICENDIS.

1.-Celebrante purificato, dum calicem collocat in altari, liber Missalis defertur per ministrum ad cornu Epistolae et collocatur ut in introitu. Ipse autem minister genuflectit iuxta cornu Evangelii, ut in principio missae. Deinde celebrans stans iunctis manibus, legit antiphonam quae dicitur Communio. Quâ lectâ, iunctis item manibus ante pectus, vadit ad medium altaris, et, eo osculato, vertit se ad populum à manu sinistra ad dextram, et dicit:

¶. Dominus vobiscum, ¶. Et cum spiritu tuo,

Et per eamdem viam reddit ad librum, dicit orationes post communionem eisdem modo, numero et ordine, ut supra dictae sunt collectae. Quibus finitis, claudit librum, et iungens manus ante pectus, revertitur ad medium altaris, ubi, eo osculato, vertit se ad populum, et dicit, ut supra :

¶. Dominus vobiscum, R. Et cum spiritu tuo.

Quo dicto, stans iunctis manibus ante pectus versus populum, dicit, si dicendum est:

Ite, missa est, R. Deo gratias.

Et per eamdem viam revertitur ad altare. Si vero non sit dicendum, dicto, Dominus vobiscum, revertitur eodem modo per eamdem viam ad medium altaris, stans versus ad illud, iunctis ante pectus manibus, dicit:

Benedicamus Domino, R. Deo gratias.

In missis autem Defunctorum, eodem modo stans versus altare, dicit: Requiescant in pace. R. Amen.

2.-In Quadragesima autem à feria quarta Cinerum usque ad feriam quartam Maioris hebdomadae, in feriali officio postquam celebrans dixit orationes post communionem cum suis solitis conclusionibus, antequam dicat, Dominus vobiscum, stans in eodem loco ante librum dicit, Oremus. Humiliate capita vestra Deo, caput inclinans, et extensis manibus, subiungit eadem voce orationem super populum, ibidem positam: quid finita, osculatur altare, et vertens se ad populum, dicit, Dominus vobiscum; et alia ut supra.

3.-In missa solemni diaconus desert librum Missalis ad cornu Epistole, deinde vadit retrò post celebrantem, subdiaconus vero vadit ad cornu Evangelii, ubi calicem mundat, aptat cum purificatorio, patena et pallà cooperit, plicat corporale, reponit in bursam, et illam ponit super calicem coopertum velo, quem collocat in altari, vel super credentia, ut prius; postea reddit ad locum suum retro post diaconum; qui cum dicit: Ite, missa est, cum celebrante vertit se ad populum: et in Quadragesima dicto

per celebrantem, Oremus, diaconus in cornu Epistole vertens se ad populum, iunctis manibus dicit, ut supra, Humiliate, etc., quo dicto vertit se versus altare à tergo celebrantis, et celebrans dicit orationem super populum.

XII. DE BENEDICTIONE IN FINE MISSAE, ET EVANGELIO SANCTI IOANNIS.

1.-Dicto, Ite, missa est, vel Benedicamus Domino, ut supra, celebrans, ante medium altaris stans, inclinata, et, iunctis manibus super eo, dicit secretò:

Placeat tibi, sancta Trinitas, obsequium servitutis meae; et praesta, ut sacrificium, quod oculis tuae maiestati indignus obtuli, tibi sit acceptabile, mihiique, et omnibus pro quibus illud obtuli, sit, te miserante, propitiabile: Per Christum Dominum nostrum. Amen.

Quo dicto, extensis manibus hinc inde super altare positis, ipsum in medio osculatur: tum erigens se, adhuc stans versus illud, elevat ad coelum oculos et manus, quas extendit et iungit, caputque cruci inclinans, dicit voce intelligibili: Benedic vos omnipotens Deus; et iunctis manibus, ac demissis ad terram oculis, vertens se ad populum à sinistro latere ad dextrum, extensā manu dextrā, iunctisque digitis, et manu sinistrā infra pectus positā, semel benedicit populo, dicens, Pater, et Filius, ☧ et Spiritus Sanctus. R. Amen: circum perfciens accedit ad cornu Evangelii, ubi dicto, Dominus vobiscum, et R. Et cum spiritu tuo, pollice dextro signans primū signo crucis altare, seu librum in principio Evangelii, deinde frontem, os et pectus, dicit: Initium sancti Evangelii secundum Ioannem, vel Sequentia sancti Evangelii, ut dictum est in rubricis generalibus, et R. Gloria tibi, Domine, iunctis manibus, legit Evangelium.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est; in ipso vita erat, et vita erat lux hominum: et lux in tenebris lucet, et tenebrae eam non

comprehenderunt. Fuit homo missus à Deo, cui nomen erat Ioannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quae illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit. In propria venit, et sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine eius: qui non ex sanguinibus, neque ex voluntate carnis, neque ex voluntate viri, sed ex Deo nati sunt; genuflectit versus cornu Evangelii, cùm dicit: **ET VERBUM CARO FACTUM EST**, et surgens prosequitur, ut prius, et habitavit in nobis (et vidimus gloriam eius, gloriam, quasi Unigeniti à Patre), plenum gratiae et veritatis. **Quo Evangelio, vel alio, ut convenient, finito, minister, stans in parte Epistolae, respondet: Deo gratias.**

2.-Si celebrans in altari vertit faciem ad populum non vertit se, sed stans ut erat, benedicit populo, ut suprà, in medio altaris; deinde accedit ad cornu Evangelii, et dicit Evangelium sancti Ioannis.

3.-Si celebravit coram summo Pontifice, Cardinali, et Legato Sedis apostolicae, vel Patriarcha, Archiepiscopo, et Episcopo in provincia, civitate, vel diocesi sua existente celebrans dicto: Placeat tibi, sancta Trinitas, etc., dicit, Benedic vos omnipotens Deus, et convertens se ad summum Pontificem genuflexus, ad Cardinalem verò, et Legatum, vel alium ex supradictis Praelatis, capite inclinato, quasi licentiam benedicendi petens, prosequitur: Pater, et Filius, **Xet Spiritus Sanctus, benedicens adstantes à parte, ubi non adest Pontifex, Cardinalis, Legatus aut Praelatus praedicti. Si autem celebravit coram Patriarcha, Archiepiscopo, et Episcopo; extra eorum provinciam, civitatem, vel dioecesim constitutis, eis absque alio respectu, ut caeteris, qui intersunt, more conuento benedicit.**

4.-Si autem celebravit pro defunctis, dicto, Placeat ti-

bi, sancta Trinitas, ut suprà, et osculato altari, accedit ad cornu Evangelii, et dicit Evangelium sancti Ioannis, praetermissa benedictione, quae in missis Defunctorum non datur.

5.-Finito Evangelio in fine missae, si celebravit coram summo Pontifice, Cardinali, et Legato Sedis apostolicae, vel Patriarcha, Archiepiscopo, et Episcopo, convertit se ad illum, coram quo ex praedictis celebravit; et facit reverentiam convenientem. Si non celebravit coram aliquo predictorum, huiusmodi reverentiam praetermittit.

6.-Quibus omnibus absolutis, exstinguuntur per ministrum candale: interim sacerdos accipit sinistrâ calicem, dextram ponens super bursam, ne aliquid cadat, descendit ante infimum gradum altaris, et ibi in medio vertens se ad illud, caput inclinat (vel, si in eo est tabernaculum sanctissimi Sacramenti, genuflectit), et factâ reverentia, accipit biretum à ministro, caput cooperit, ac, praecedente eodem ministro, eo modo quo venerat reddit ad sacristiam, interim dicens antiphonam Trium puerorum, et canticum Benedicite. Si verò sit dimissurus paramenta apud altare ubi celebravit, finito Evangelio praedicto, ibidem illis se exxit, et dicit antiphonam Trium puerorum, cum cantico et aliis orationibus, ut suo loco ponuntur.

7.-In missa solemni celebrans edem voce, et modo, quo in missis privatis, semel tantum benedicit populo, nisi sit Episcopus: et dicto Evangelio secundum Ioannem, vel alio, ut suprà ministrante subdiacono librum, si opus est descendit cum ministris ordine et modo, quo venerat.

8.-Episcopus autem ter benedicit populo, etiam in missis privatis, ut in Caeremoniali habetur.

XIII. DE HIS QUAE OMITTUNTUR IN MISSA PRO DEFUNCTIS.

1.-In missa pro Defunctis ante confessionem non dicitur psalmus Iudica me, Deus, sed pronuntiatá antiphona Introibo ad altare Dei, et responso à ministro, Ad Deum qui laetificat iuventutem meam, dicitur, **V. Adiutorium nostrum, et confessio, cum reliquis, ut suprà.**

Cum celebrans ad altare incipit Introitum, non signat se, sed, manu dextrâ extensâ, facit signum crucis super librum, quasi aliquem benedicens. Non dicitur, Gloria Patri, sed post psalmum repetitur, Requiem aeternam; nec dicitur Gloria in excelsis, nec Alleluia, nec Iube, Domine, benedicere, nec Dominus sit in corde meo; nec osculatur liberum in fine Evangelii; nec dicit, Per evangelica dicta, etc. Non dicitur Credo, non benedicitur aqua in calicem fundenda: dicitur tamen oratio Deus, qui humanae substantiae, etc. Cum lavat manus, in fine psalmi Lavabo inter innocentes, non dicitur Gloria Patri. Ad Agnus Dei, non dicitur miserere nobis, cuius loco dicitur, dona eis requiem; nec tertio, dona nobis pacem, cuius loco dicitur, dona eis requiem sempiternam; neque percutitur pectus. Non dicitur prima oratio ante Communionem, scilicet, Domine Iesu Christe, qui dixisti Apostolis tuis, etc.; nec datur pax. In fine, non dicitur Ite, missa est, nec Benedicamus Domino, sed Requiescant in pace. Et non datur benedictio; sed dicto Placat, et osculato altari, dicitur, ut suprâ: In principio erat Verbum, etc., et alia omnia ut in aliis missis.

2.-In missa solemni non incensatar altare ad Introitum; et subdiaconus finitâ Epistolâ non osculatur manum celebrantis, nec benedicitur; diaconus non petit benedictionem, nec osculatur celebrantis manum, non tenentur luminaria ad Evangelium, nec portatur incensum: sed duo tantum acolythi sine candelabris stant unus à dextris, et alter à sinistris subdiaconi tenentis librum Evangeliorum. Non incensatur liber, nec in fine celebrans, nec defertur liber Evangeliorum osculandus. Oblata, et altare incensantur ut suprâ; incensatur solus celebrans, et non incensantur alii. Subdiaconus non tenet patenam post celebrantem, sed tempore elevationis Sacramenti genuflexus in cornu Epistolae illud incensat. Ministri cum aliquid porrigunt celebranti in hac missa, non osculantur eius manum, neque rem, quae porrigitur.

3.-Si distribuendae sunt candelae, distribuantur post Epistolam, et accendantur ad Evangelium, ad elevationem Sacramenti, et post missam, dum fit absolutio. Si

habendus est sermo, habeatur finitâ missâ ante absolutiō nem.

4.-Finitâ missâ, si facienda est absolutio, celebrans retrahit se ad cornu Epistolae, ubi exsultur casula, et deposito manipulo, accipit pluviale nigrum. Subdiaconus medius inter duos acolythos cum candelabris accensis, defert crucem sicut in processionibus, praecedentibus duobus aliis acolythis, uno cum thuribulo, et navicula incensi, alio cum vase aquae benedictae, et aspersorio: sequitur celebrans factâ prius altari reverentiâ, et diaconus à sinistris eius. Subdiaconus cum cruce sistit se ad pedes tumuli, seu lecticae mortuorum contra altare, medius inter dictos acolythos tenentes luminaria; celebrans verò ex alia parte in capite loci inter altare et tumulum, aliquantum versus cornu Epistolae, ita ut crux subdiaconi respiiat: à sinistris eius diaconus, et prope eum alii duo acolythi deferentes thuribulum, et vas aquae benedictae. Interim cantatur: R. Libera me, Domine, et circa illius finem celebrans ponit incensum in thuribulum, benedicens illud more solito, ministrante diacono naviculam; et finito Kyrie eleison, incipit intelligibili voce, Pater noster, et secreto prosequente reliqua, accipit aspersorium de manu diaconi, et factâ altari reverentiâ, comitante eodem diacono à dextris, et tenente simbriam anteriorem pluvialis, circuiens tumulum, aspergit illum aquâ benedictâ, ter à parte dextera, et ter à sinistra. Cum transit ante crux, profunde se inclinat, diaconus verò genuflectit; postea de manu eiusdem diaconi accipit thuribulum; et eodem modo, quo aspergenter, incensat. Et rediens ad pristinum locum, diacono tenente librum, iunctis manibus dicit:

Y. Et ne nos in ducas in temptationem,

R. Sed libera nos à malo.

Y. A porta inferi, R. Erue, Domine, animam eius,

Y. Requiescat in pace, R. Amen.

Y. Domine, exaudi orationem meam,

R. Et clamor meus ad te veniat.

Y. Dominus vobiscum, R. Et cum spiritu tuo,